

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0059916 26
Zenica, 13.04.2026. godine

OPĆINSKOM SUDU U ZENICI
Sudiji za prethodno saslušanje
Z E N I C A

Na osnovu člana 45. st. 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

D. H., osuđivan više puta,

što je:

dana 11.07.2024. godine oko 20:20 sati, u Z. u ulici L., ugrozio sigurnost E. U. da će napasti na njegov život i tijelo, te na taj način izazvao uznemirenje građana na način da je, dok se E.nalazio u stanu na navedenoj adresi istom došao ispred zgrade gdje živi i glasno ga pozivao, pa kad je E.došao do otvorenog prozora svog stana, istome je sa ulice glasno uputio ozbiljnu prijetnju riječima: „E. šmekeru, *** ti mamu, hajde izađi ispred zgrade da te ubijem, ubit ću te čim te vidim“, pa nakon što je E. odgovorio da se osumnjičeni popne kod njega u stan, isti mu je nastavio ozbiljno prijetiti riječima. „Ubit ću te čim prije“, svjestan da će upućenim prijetnjama, izazvati osjećaj straha i uznemirenosti za život U. E. i izazvati uznemirenje građana, što je i htio, koje ozbiljne prijetnje su kod oštećenog ugrozile osjećaj sigurnosti, izazvale ozbiljan strah, osjećaj uznemirenosti za njegov život i tijelo, nakon čega je oštećeni pozvao policiju i prijavio navedeni događaj, a osumnjičeni se do dolaska policijskih službenika udaljio s lica mjesta u nepoznatom pravcu,

dakle, ugrozio sigurnost ozbiljnom prijetnjom i na taj način izazvao uznemirenje građana,

čime je učinio krivično djelo ugrožavanje sigurnosti iz člana 183. stav 1. KZ F BiH.